

ՀԱՇՎԵՏՎՈՒԹՅՈՒՆ

2019 ԹՎԱԿԱՆԻ ԸՆԹԱՑՔՈՒՄ ՔԱՂԱՔԱՇԻՆՈՒԹՅԱՆ ՈԼՈՏՈՒՄ ՀՀ ՇԻՐԱԿԻ ՄԱՐԶՈՒՄ ԻՐԱԿԱՆԱՑՎԱԾ ԱՇԽԱՏԱՆՔՆԵՐԻ ՎԵՐԱԲԵՐՅԱԼ

ՀՀ Շիրակի մարզում քաղաքաշինության բնագավառում 2019թ. ընթացքում պետական բյուջեի միջոցներով և այլ ֆինանսական աղբյուրներով իրականացվել են շուրջ **26,745** մլրդ դրամ գումարի կապիտալ ներդրումներ (2018-ին՝ 20.18 մլրդ) (աղյուսակը կցվում է), այդ թվում՝

Ոլորտ	2018 մլրդ դրամ	2019 մլրդ դրամ	2020 կանխատեսում մլրդ դրամ
Բնակապահովում	0.083	0.144	2.018
Կրթական օբյեկտների շինարարություն	0.520	1.117	0.815
Առողջապահական, մշակութային և սպորտային օբյեկտներ	0.342	0.4	0.585
Ջրամատակարարում և ոռոգում	3.44	0.098	7.69
Ճանապարհաշինություն	11.64	12.8	19.6
Գազամատակարարում և էլեկտրամատակարարում	0.542	0.722	0.6
Այլ օբյեկտներ	1.613	8.464	3.39
Մասնավոր ներդրումներ	2.0	3.0	4.0
Ընդամենը	20.18	26.745	38.7

Կրթական օբյեկտների շինարարություն

ՀՀ կառավարության 29.09.2018թ. № 1073-Ն որոշման շրջանակում, Հայաստանի տարածքային զարգացման հիմնադրամի պատվիրատվությամբ ՀՀ Շիրակի մարզի թվով 12 կրթական հաստատություններում իրականացվել են վերանորոգման և հիմնանորոգման աշխատանքներ: ՀՀ Կրթության, գիտության, մշակույթի և սպորտի նախարարության պատվիրատվությամբ ընթացքի մեջ է 1 դպրոցի հիմնանորոգման աշխատանքները, ևս 1 դպրոցի հիմնանորոգման աշխատանքների նախագծանախահաշվային փաստաթղթերի մշակման գործընթացը ավարտվել է, իսկ շինարարական աշխատանքները կիրականացվեն 2020թ.-ին: Մարզում իրականացվող սուբվենցիոն ծրագրերի շրջանակում կառուցվել է մեկ, հիմնանորոգվել և վերանորոգվել են թվով 6 մանկապարտեզներ: Սիմոնյան կրթական հիմնադրամի պատվիրատվությամբ շարունակվել են «Թումո ստեղծարար տեխնոլոգիաների կենտրոնի» վերակառուցման աշխատանքները:

Մշակութային և սպորտային օբյեկտների շինարարություն

Մարզի 12 բնակավայրերում Հայաստանի ֆուտբոլի ֆեդերացիայի պատվիրատվությամբ իրականացվել են ֆուտբոլի դաշտերի կառուցման աշխատանքներ՝ 224.40 մլն դրամ գումարով: Սուբվենցիոն ծրագրով իրականացվել են Անուշավան համայնքում ֆուտբոլի դաշտի կառուցման աշխատանքները:

Առողջապահական օբյեկտների շինարարություն

Հայաստանի տարածքային զարգացման հիմնադրամի պատվիրատվությամբ իրականացվել են մարզում թվով 3 բժշկական կենտրոնների վերանորոգման աշխատանքներ:

Ջրամատակարարում և ոռոգում

2020 թվականին կիրականացվի Գերմանիայի KFW Բանկի, Եվրոպական Ներդրումային Բանկի և Եվրամիություն/ՀՆԾ կողմից ֆինանսավորվող «Համայնքային Ենթակառուցվածքի Ծրագիր II» 3-րդ փուլի շրջանակներում թվով 13 բնակավայրերում ջրամատակարարման ցանցի վերանորոգման աշխատանքները: Ներկայումս ընթանում են կապալառու կազմակերպության ընտրության մրցույթները: Սուբվենցիոն ծրագրերի շրջանակում իրականացվել է թվով 6 բնակավայրերի ոռոգման և ջրահեռացման ցանցերի վերանորոգում: 2019թ.-ին շարունակվել են Գերմանիայի զարգացման վարկերի բանկի ֆինանսավորմամբ իրականացվող Կապսի ջրամբարի կառուցման նախագծա-նախահաշվային փաստաթղթերի մշակման աշխատանքները: Շինարարական աշխատանքները կսկսվեն 2020թ.-ին:

ՀՀ պետական եկամուտների կոմիտեի պատվիրատվությամբ իրականացվում են Գյումրու հյուսիսային մաքսատան կառուցման աշխատանքները՝ 6.0 մլրդ դրամ գումարով:

2019 թվականին մասնավոր ներդրումները ՀՀ Շիրակի մարզում կազմել են շուրջ 3.0 մլրդ դրամ: Մարզում իրականացվել է 2.313 մլրդ դրամ արժեքով (պետական բյուջեից՝ 1.2225 մլրդ. դրամ, համայնք՝ 1.0905 մլրդ դրամ) թվով 49 սուբվենցիոն ծրագիր:

Քաղաքաշինության վարչության կողմից իրականացվել են թվով 107 քաղաքաշինական գործունեության հատուկ կարգավորման տարածքներում ներկայացված հողահատկացումների և նախագծային առաջարկությունների համաձայնեցումների գործընթացներ, թվով 12 նախագծային առաջարկություններ գտնվում են համաձայնեցման փուլում: ՀՀ Շիրակի մարզպետարանի կողմից համաձայնեցվել է թվով 15 նախագծային առաջարկություն: Գյումրի քաղաքում և մարզի այլ բնակավայրերում կատարվել են թվով 7 օրենսդրությանը հակասող, ինքնակամ շինարարության կանխման, կասեցման գործընթացներ:

Բնակարանային ապահովում

ՀՀ Շիրակի մարզի բնակավայրերում հաշվառված գոհված (մահացած) զինծառայողների (ազատամարտիկների) ընտանիքների համար 2019թ. նախատեսված ԲԳՎ տրամադրման միջոցով բնակարանային ապահովման ծրագրի շրջանակներում թվով 17 ընտանիքների տրամադրվել են բնակարանի գնման վկայագրեր, 13-ի բնակարանային գործերը դեռևս գտնվում են քննարկման փուլում: ՀՀ կառավարության 08.08.2019թ. N1024-Ն որոշման համաձայն՝ ՀՀ Շիրակի մարզի 4 գյուղական բնակավայրերում (Ախուրյան, Գետք, Քեթի և Հացիկ) երկրաշարժից անօթևան մնացած և բնակապահովման ծրագրի շահառու ճանաչված թվով 15 ընտանիքների համար իրականացվել է բնակարանի գնման վկայագրի կամ անհատույց ֆինանսական աջակցության տրամադրման միջոցով բնակարանային ապահովման ծրագիր, որի շրջանակներում արդեն իսկ բնակարան են ձեռք բերել թվով 9 ընտանիքներ, ևս 1-ը ստացել է ֆինանսական աջակցություն՝ կիսակառույցի ավարտման համար: ՀՀ կառավարության 14.11.2019թ. N1610-Ն որոշման համաձայն ՀՀ Շիրակի մարզի թվով 9 գյուղական բնակավայրերում (Բասեն, Սառնաղբյուր, Զաջուռ, Կամո, Մայիսյան, Շիրակ, Գուսանագյուղ, Մարմաշեն, Զրաձոր) երկրաշարժից անօթևան մնացած և բնակապահովման ծրագրի շահառու ճանաչված թվով 90 ընտանիքների համար մեկնարկել է ԲԳՎ տրամադրման միջոցով բնակարանային ապահովման ծրագիրը:

ՀՀ կառավարության 29.03.2018թ. N361 և ՀՀ վարչապետի 20.12.2018թ. N1658-Ա որոշումների համաձայն ՀՀ Շիրակի մարզի քաղաքային և գյուղական բնակավայրերում իրականացվել է պետական, համայնքային, ինչպես նաև այլ անձանց սեփականությունը հանդիսացող տարածքներում տեղակայված ոչ հիմնական շինությունների փաստագրման գործընթաց: Նշված գործընթացի շրջանակներում փաստագրվել են թվով 3545 ժամանակավոր կացարաններ, որից Գյումրի քաղաքում՝ 2858, Արթիկ քաղաքում՝ 6 և թվով 20 գյուղական բնակավայրերում՝ 681 (ևս 164 փայտյա բնակելի տներ Աշոցք համայնքի Կոճոռ թաղամասում):

ՀՀ Շիրակի մարզի համայնքների ղեկավարների կողմից հաստատված ոչ հիմնական շինությունների փաստագրման աղյուսակային և գրաֆիկական նյութերը ՀՀ Շիրակի մարզպետի համապատասխան գրություններով ուղարկվել են ՀՀ քաղաքաշինության կոմիտե՝ հանձնաժողովի քննարկմանը:

ՀՀ Շիրակի մարզի 2019թ. ճանապարհաշինական աշխատանքների ընթացքի վերաբերյալ

2019 թվականին մարզում ճանապարհաշինության բնագավառում ներդրումների ծավալը կազմել է 12,8 միլիարդ ՀՀ դրամ: Ավտոմոբիլային ճանապարհների ձմեռային պահպանման, ընթացիկ պահպանման և շահագործման աշխատանքների կազմակերպման համար ՀՀ տարածքային կառավարման և ենթակառուցվածքների նախարարությանը հատկացվել էր շուրջ 615.0 մլն. դրամ, իսկ մարզային նշանակության ավտոմոբիլային ճանապարհների ձմեռային պահպանման, ընթացիկ պահպանման և շահագործման աշխատանքների կազմակերպման համար ՀՀ Շիրակի մարզպետարանին հատկացվել է 183.965 մլն. դրամ գումար: Իրականացվել են թվով 7 միջպետական, հանրապետական և մարզային նշանակության ավտոմոբիլային ճանապարհների առանձին հատվածների հիմնանորոգման և միջին նորոգման աշխատանքներ: Ընդհանուրը 3,0 միլիարդ դրամ գումարով շուրջ 35,85 կմ երկարությամբ: 2019 թվականին շարունակվում են «Հյուսիս-հարավ ճանապարհային միջանցքի ներդրումային ծրագրի» Տրանշ 3-ի Լանջիկ-Գյումրի 27,5 կմ երկարությամբ ճանապարհահատվածի շինարարական աշխատանքները: Մարզի 10 համայնքներում (Գյումրի, Ագատան, Նոր Կյանք, Լուսակերտ, Անի, Պեմզաշեն, Փանիկ, Գետք, Մեծ Մանթաշ և Հոռոմ) ճանապարհաշինության ոլորտում իրականացվել են սուբվենցիոն ծրագրեր ընդհանուր 743.9 մլն. դրամ, գումարով, որից 409.05 մլն. դրամ գումարը կհատկացվի ՀՀ պետական բյուջեից, իսկ 334.85 մլն. դրամ գումարը՝ համայնքային բյուջեներից:

Գյումրի քաղաքում իրականացվող ճանապարհաշինական աշխատանքներ

2019 թվականին իրականացվել են Վերակառուցման և Զարգացման Եվրոպական Բանկի ֆինանսավորմամբ Գյումրի քաղաքի թվով 12 փողոցների շուրջ 11.2 կմ երկարությամբ և թվով 2 հրապարակների վերակառուցման աշխատանքները՝ 7.5 մլն. եվրո ընդհանուր արժողությամբ: 2019 թվականին շարունակվել են Հայաստանի տարածքային զարգացման հիմնադրամի կողմից, Համաշխարհային բանկի ֆինանսավորմամբ, իրականացվող թվով 5 փողոցների շուրջ 1.8 կմ երկարությամբ և 2 հրապարակների հիմնանորոգման աշխատանքները՝ 995 մլն. դրամ գումարով:

Գյումրի քաղաքի փողոցների ընթացիկ նորոգման աշխատանքների համար համայնքային բյուջեից հատկացվել է 141.0 մլն. դրամ գումար:

ՀՀ Շիրակի մարզի 2019թ. տրանսպորտի ոլորտի վերաբերյալ

Հայաստանի Հանրապետության Շիրակի մարզի ներմարզային ընդհանուր օգտագործման ավտոմոբիլային տրանսպորտով ուղեվորների կանոնավոր փոխադրումներն իրականացնող կազմակերպությունների ընտրության մրցութային հանձնաժողովի կողմից թվով 12 ներմարզային երթուղիների սպասարկման ժամկետները երկարացվել են:

Հայաստանի Հանրապետությունում միասնական երթուղային ցանց ստեղծելու նպատակով նախկին ՀՀ տրանսպորտի, կապի և տեղեկատվական տեխնոլոգիաների նախարարության հետ համատեղ մշակվել է ՀՀ Շիրակի մարզի նոր երթուղային ցանցը: Երթուղային ցանցում ընդգրկված են թվով 35 ավտոբուսային երթուղիներ, որոնք ընդգրկում են մարզի բոլոր բնակավայրերը:

ՀՀ ՇԻՐԱԿԻ ՄԱՐԶՊԵՏԱՐԱՆԻ

ՔԱՂԱՔԱՇԻՆՈՒԹՅԱՆ ՎԱՐՉՈՒԹՅԱՆ ՊԵՏ

Ա. ՄԱՐԳԱՐՅԱՆ